



UNIVERSITÄTS-
BIBLIOTHEK
PADERBORN

Universitätsbibliothek Paderborn

Außlegung der Episteln vnd Euangelien: von Ostern bis auff das Aduent

Luther, Martin

Wittemberg, 1547

VD16 L 5614

7 Christi hertz gegen dem verloren schaf/ vnd begird nach vnserm heil.

urn:nbn:de:hbz:466:1-37032

dem werck? das vnmeslich besser ist/ denn das werck/ das jr selbs lobet/ vnd loben müßet? Das/ wo jr mich strafset/ müßet jr zuuor euch selbs verdammen.

Das heisset ja wol verantwortet/ vnd mit allen ehren das mauil gekopffset/ vnd vrsach gnug angezeiget/ warumb er jrer meisterschafft nichts vberall bedarff/ ja auch nicht leiden wil noch soll/ So lauffen sie auch an/ wie sichs gehöret/ das sie nichts/ denn jr eigen sünde vnd schande damit ersagen/ Denn es ist billich allen Meistern ein schande/ ja auch ein vnleidlicher freuel/ das sie sich den Man vnterstellen zu vbermeistern/ der doch aller Meister von Gott gesetzt ist.

Vnd sol auch so gehen (wie ich gesagt habe) wer einen Christen wil meistern vnd vtheilen/ vnd von seiner Tauffe vnd Artikel von Christo führen/ in mit seiner klugheit oder Gesetz zu regieren/ das der nicht allein müße zum Narren werden/ sondern auch greuel vnd mord anrichten/ Denn er schendet Gotte seinen Tempel vnd Heiligtum/ vnd greisset im mit teuflischen freuel in sein Reich/ da er allein durch seinen heiligen Geist regiren sol/ Das solcher redlich vnd wol verdienet/ das in Gott widerumb zu sünden vnd schanden mache/ für aller Welt/ weil er ins Teufels namen wil Meister sein/ da Christus allein Meister ist/ vnd mit dem Kopff leufft wider den Man/ der im zu hoch vnd zu klug ist.

Darumb ist nicht gut scherzen mit den Christen/ denn es sind lebendige Heiligen/ Vnd sey nur alle Welt vnuerworen mit dem Man/ der Christus heisset/ denn man gewinnet doch nichts an im/ vnd wils nicht leiden/ das man in lere vnd meistere. Also auch ein Christ/ kan vnd sol auch nicht leiden/ oder wo ers leidet/ vnd solchem eingeben einreumet oder weicher/ da man Christum an im meistern vnd taddeln wil/ oder seinen Glauben mit Gesetz vnd werck lere anfechten/ so ist er verloren/ vnd von Christo gefallen.

Darumb lasse vns nur fest an im halten/ vnd nicht achten/ ob vns alle Welt vberklügele vnd meistert. Denn wo wir bey im bleiben/ vnd rechten verstand

dieses Artikels behalten/ so wollen wir wol alle solche Klügler eintreiben vnd zu schanden machen/ Denn dieser Christus sol vnd wil doch vngestraft vnd vngemeistert bleiben/ sondern er wil allein alle Welt meistern vnd straffen/ das sie in müssen/ entweder mit gnaden für jren Herrn vnd Meister/ vnd sich für Narren erkennen/ oder mit vngnaden zu schanden werden/ vnd zu boden gehen.

Ich hab aber vor gesagt/ das diese Predigt viel zu gut/ süsse vnd tröstlich ist/ für den groben roben hauffen/ vnd tollern Knorrigen Pöbel/ Vnd wir jnen hie nichts vberall predigen/ das sie es eben wissen/ Sondern allein denen/ die in schrecken vnd angst des gewissen/ oder in todesfahr vnd nöden sind/ vnd der Teufel mit jnen disputire von jren sünden/ das er sie in schweernut vnd verzweuelung treibe. Diesen sol man dis liebliche Bild fürhalten/ das sie getröstet vnd frölich werden. Die andern aber/ so vorhin im sause leben/ vnd nicht viel dauon wissen/ was schweernut vnd geistliche traurigkeit sey/ sol man zu Mose vnd Meister hantzen mit seinen Knechten weisen/ vnd zum Teufel hinnach.

Denn es ist zu gar freundlich/ vnd viel besser gemalet/ denn kein Mensch malen kan/ vnd niemand so beredt/ der es ausstreichen vnd mit worten erlangen kan/ sondern mus mit dem Glauben im hertzen (so viel es möglich) gefasset werden/ Doch müssen wir ein wenig dauon anzeigen/ das wir vrsache geben/ solchem nach zu denken.

Ich habe auch (spricht er) hundert Schafe/ Das ist das heuflin der ganzen Christenheit/ darunter eines verloren ist/ vnd aus der gemeinschafft der Christenheit komen. Wilten nu wissen/ wie mir zu sinn ist? so male nur/ beide/ solchen Hirten/ vnd das verlorne Schaf/ wol abe. Denn der selbige Hirte/ der doch nur ein Mensch ist/ vnd des vnuernünftigen Viehes hütet/ das zu schlachten vnd würgen geschaffen ist/ noch hat er zu seinem verloren Scheflin ein solch hertz/ das im ja so bang ist/ wie ers wider kriege/ als dem Scheflin selbs/ nach solchem seinem Hirten.

¶ Vnd

Diese liebliche Predigt gehört allem für bis de vnd beswaren ge wissen.

W. Sontagnach

Des Hirten hertz gegen dem verloren Schaf.

Verhalten vnd schande als ledere/ so Christum vnd seine Christe mit sein wollt.

Christen sollen jren Glauben nicht lassen mit Gesetz vnd werck lere anfechten.

Auslegung des Euangeli

Des Schef-
lins art vnd
zuversicht
gegen sei-
nen Hirten.

Natürliche
liebe vnd
treue des
Hirten vnd
des Scha-
fes gegene-
nder.

Verderben
des Schafs
wo es on de
Hirten ist.

Der Hirte
suchet nicht
das verlor-
ne Schaf zu
schrecken.

Vnd das Scheflin/ wo es verſtehet/
(wie es dem von natur verſtehet) das
es ſein Hirte iſt/ ſo fürchtet ſichs nichts
vberall/ ſondern leuffet zu jm mit aller
zuversicht/ vnd gehet für jm her mit
ganzem vertrauen/ Ja/ ſo bald es nur
ſeine ſtimme höret/ ſo ſchreiet vnd
leufft nach jm/ vnd hat keine ruge/ bis
es zu jm kompt. Vnd iſt alſo natürlich
eitel freundschaft vnd liebe zwifchen
men beiden/ ja gar ein hertz vnd ſinn ge-
genander/ Das/ wo das Scheflin kñd
reden/ vnd ſein hertz heraus ſchütten/ ſo
begeter es niches/ denn zu ſeine Hirten/
Vnd widerumb der Hirte hat kein an-
der ſorge noch gedanken/ denn wie er
das Scheflin wider finde/ das von jm
komet vnd verirret iſt/ leuffet vnd ſchre-
cket knechte aus/ wo ers nur zu ſuchen
weis/ vnd höret nicht auff/ bis ers fund-
den vnd wider heim bracht hat.

Denn er weis wol/ was es für ein
arm thier iſt/ das allein des Hirten hül-
ffe vnd ſchutz leben mus/ vnd jm ſelbs
gar nicht helffen kan/ ſondern gar verlo-
ren iſt/ vnd verderben mus/ wo es ſei-
nen Hirten nicht hat/ Vnd on das na-
türlich ſchuchter vnd irſam iſt/ vnd ſo
bald es aus dem weg vnd vom Hirten
kompt/ ſo iſt eſſchon aus/ vnd kan nicht
bleiben/ ob es gleich zu andern Hirten
vnd Schafen kompt/ vnd ein frembs
der jm ruffet/ ſondern leuffet eines lau-
ffens durch heggen/ wasser/ vnd was
für jm iſt/ ſo lang/ bis es dem Wolff zu
teil wird/ oder ſonſt verdirbt.

Aber doch hat es dagegen die tugend
vnd gute art an ſich/ das es ſich mit als-
lem vleis zu ſeinem Hirten helt/ vnd ſei-
ne ſtimme ſehr wol kennet/ vnd wo es
die ſelbe höret/ ſo leuffet es ſtracks zu
jm/ vnd leſt ſich nicht von jm weiſen/
ob jm ſonſt alle Wele ruffet vnd locket.
Vnd ob es ſchon verloren vnd verirret
iſt/ doch hat es die hoffnung/ ſo viel jm
ſeine natur gibt/ wenn es nur ſeinen Hir-
ten möcht wider hören/ ſo were es frö-
lich vnd aller ſorge los. So iſt der Hir-
te auch nicht darumb da/ wenn er es wi-
der findet/ das er mit jm zurnen/ noch
von ſich ſtoſſen/ oder dem Wolff in ras-
chen werffen wolle/ ſondern alle ſeine
ſorge vnd gedanken ſind/ das ers nur

auffs aller freundlichſt locke/ vnd auff
ſenffſte mit jm vmbgehe/ nimpt es auff
ſeinen eigen rücken/ hebt vnd treget es/
bis ſo lange ers wider heim bringet.

Als iſt das gemelde/ in der Creatur
fürgebildet/ dadurch vns Chriſtus
wil zeigen/ wie er geſinnet iſt/ vnd was
er thut gegen vns/ vnd was wir vns zu
jm verſehen ſollen/ Denn weil ſolches
war iſt in der natur/ viel mehr iſt es al-
ſo in dieſem Reich Chriſti/ welches iſt
ein Reich der Gnaden/ vnd eitel liebe
vnd troſt/ Darumb nim das Scheflin
auch für dich/ das zu dieſem Hirten ge-
höret/ So wirſtu es alſo finden/ wie viel
mehr vnd höher er ſich des ſelben an-
nimpt/ vnd wie gar herzlich vnd
freundlich er dafür ſorget/ das er es wi-
der bringe/ Vnd damit wil ausgeſtre-
cken/ ja ausgeſchütt haben ſeine vnaus-
gründliche liebe vnd brunſt/ gegen die
armen/ ſündigen/ erſchrocken/ blöden
gewiſſen/ welches ſind ſeine rechte
Scheflin.

Denn wenn ein Menſch dieſen Hir-
ten verloren hat/ vnd ſeine ſtimme nicht
höret/ ſo gehets jm eben/ wie dem verlo-
ren Scheflin/ welches jmer/ je weiter
von jm kompt/ vnd ob man jm ſchon
locket vnd ruffet mit andern leuten/ das
es ſol zulauffen/ vnd meinen/ es kome zu
ſeinem Hirten/ ſo findets jm doch nicht/
ſondern leuffet jmer von einem winckel
zum andern/ vnd wird nur je lenger je
irrer/ Vnd iſt kein troſt noch hülffe/ ehe
denn es ſeines rechten Hirten ſtimme wi-
der klingen höret.

Wie es auch die erfahrung für augen
zeiget/ vnd ein jglicher im hertzen erfa-
ren kan/ Das/ wenn der Artikel von
Chriſto weggenommen iſt/ oder nicht ge-
trieben wird/ da kompt hie ein rotten
geiſt/ dort ein ſchwärmer/ da einer das
Sacrament/ der ander die Tauffe/ ver-
keret/ vnd einer diſ/ jener ein anders pre-
digt von ſonderlicher heiligkeit/ vnd jg-
licher das arme Scheflin zu ſich locket/
vnd ſich ſtelle/ als ſey er der Hirte/ Da-
von wird das Schaf irre vnd aber irre/
bis er gar aus dem weg kompt.

So kompt der Teufel auch dazu/ mit
ſeinen eigen gedanken/ die er ins hertz
treibet/ Ah/ hertzeſtu das vnd jenes
gethan/ oder nicht gethan/ vnd da-
mit das hertz nur fluchtiger vnd irrer
machet.

Recht
kennet
Geiſt

Chriſtus
ausſpre-
che
liche
gegen
verloren
Scheflin.

On
Or
ſtum
kan
ſich
das
Schaf
nicht
hören
wöl-
gen.

Ch
gic
ver-
nac
fer